



**Sel Prestuhn
Henry B. Eyring**
Mwet in Kahsruh Se Met
ke Prestuhnsi Se Met

Kwacfe Elos in Pruhe

Ke nga tuhlihk ah, pahpah ac ninac kiyuck ah lutiyuc ke mwe srihkasrak ke pruhe. Nga muhtwacwacack ke petsac se in mwe nuhnak luhk uh ke Pahpah Lucng el loessuhlah uh. Ke nga mahtuhlah, puhlakihn luhk ke pruhe uh eklac. Petsac se in mwe nuhnak luhk uh eklac nuh ke Pahpah Lucng El fototo nuh sesr, suc oasr ke kahlwem yohk, ac suc etweyuc wo.

Eklac sac tuhkuh ke nga eis luhlalhfongi kuh lah ma sruhmuhnyuck ke puhlakihn lal Joseph Smith ke yac 1820 fin acn Manchester, New York ah, pwacye:

“Nga liacack sru in kahlwem se fin sifuck, kahlwem liki kahlwem luhn faht uh, suc kais kuhtuh puhtati nwe ke apihnyucwi.

“In pacl se ma ma inge sikyak ah, Nga puhla lah Nga fihlfihllac liki mwet lokoalok luhk suc kapriucwi. Ke kahlwem sac srweyucwi ac nga liye Mwet luo, suc kahlwemiac ac wolacnaiac ahlukwelah ma kuh in fwack kac, suc ma tulac lucng likiyuc ke yen engyeng uh. Sie selos sramsram nuh sihk, pahngon inek ac fahk, srihsr-nyiyac mwet se sahyac ah—*Pa inge Wen Kuloh Nuhtihk uh. Porongwac!*” (Joseph Smith—History 1:16–17).

Pahpah Lucng el tuh oasr ke insack ah ke lwen na kahto sac ke spring. El pahnglol Joseph ke inel. Ac El ahkkahlwemye Mwet Lahngo luhn facluh suc moulyak

tari suc “Wen Kuloh” Nahtuhl. Ke kuhtwena pacl ac acn kom pruhe, fahkwack luhlalhfongi lom ke ma pwacye ke puhlakihn wolacna sac kuh in ahkinsewowoye kom.

Pahpah se suc kuht pruhe nuh se uh pa God wolacna suc orwacлах facluh sin Wen Kuloh Nahtuhl. El lohng pruhe lasr oacna ke El lohng pruhe lal Joseph—kahlwem oacna in orekna ye muhtahl. El luhngse kuht fal oruh El acse Wen Nahtuhl oacna Mwet Lahngo lasr. Ke mwe sang sac El ahkfihsracsryelah nuh sesr in eis moul kawihl ac moul ma pahtpaht. Ac El use nuh sesr, ke pruhe ke inen Wen Nahtuhl, pacl wowo se in sramsram nuh Sel ke moul se inge ke inkaiyacn pacl kuht luhngse uh.

Mwet sruok Pristut ke Alu luhn Jisus Kraist luhn Mwet Luhlalhfongi ke Lwen-sahflah oasr luhlalhfongi muhtahl in som muhtwacta yurin lohm sin kais sie mmpucr ac *kahsrwelos in pruhe ke puhsra luhlahp ac ke lukmac* (liye D&C 20:47).

Oasr ohiyac puhkantwen in kwacfe sie mwet in pruhe. Nuh ke mwe srihkasrak, kuht kuh in fahkwack lah God El sapkihn kuht in pruhe pacl nuh kwewa, kuh kuht kuh in ahkuhtweyac mwe srihkasrak ke ma suhmuhslah ac ke puhlakihn lasr sifacna ke mwe insewowo ma tuhkuh ke pruhe luhn kuloh, mwe srui, ac kihsen siyuck. Srihkasrak se, nga kuh in fahkwack

luhlahlfongi lah nga etuh lah Pahpah Lucng el topuk pruhe an. Nga eis kolyuck ac ahkkweyeyuck ke pacl kahs ma tuhkuh nuh ke nuhnak luhk, ac nga etuh ke Nguhn lah kahs uh tuhkuh sin God.

Oasr kain puhlakihn inge lal Mwet Pahluh Joseph Smith, ac kuh pac in oasr lom. El eis top se inge ke pruhe luhn inse pwacye:

Wen nuhtihk, mihs lac in oan in nguhnun; fah oasr ma upac ac ma kweok lom tuhsruhk ke kihtin pacl na.

Na kom fin muhtweng wo, God El ac fah ahkenga-nyekomyak (liye D&C 121:7-8).

Pa fwackyuck se sin Pahpah pahkotwen se nuh sin wen luhlahlfongi kuh se ke pacl kweok yohk la. Tuhlihk nuh kwewa nuhtin God kuh in sramsram ke pruhe nuh Sel. Wacngihn siyuckyuck in pruhe oruh nga in puhla oacna ke pacl puhla luhn luhngse ac kahlwem ma wi tuhkuh nuh ke top luhn pruhe puhsisac.

Kuht eis fahkwack luhlahlfongi ke kuhtwena masap luhn God ke karihngihnyacn masap sacn (liye John 7:17). Pwacye sap soko inge lah kuht pruhe ke puhsra luhlahp ac ke lukmac. In oacna mwet luti ac kawuck se lom, Nga olwelah lah God El ac fah topuk pruhe lom ac ke kuh luhn Nguhn Muhtahl, kom kuh in etuh sum sifacna lah top an tuhkuh Sel.

LUTI KE PWENG SE INGE

- “Petsac an pa mwe kahsrub yohk srihpac in ahkkweye ip yohk ke lesin an” (*Teaching, No Greater Call* [1999], 176). Ahkkahlwemye sroal se kacl Joseph Smith kuh Aruhr-ruhma Se Met. Sramsramkihn puhlakihn lal Joseph Smith ke pruhe. Pruhe lom an ac oasr kuhtuh kalmeyac fuhkah kom fin petsacelah “Pahpah Lucng . . . fototome,” oacna Prestuhn Eyring uh?

- Oacna ke Prestuhn Eyring el fahk, motko in akacsrui ke fahkwack luhlahlfongi lom ke pruhe, ahkuhtweyac mwe insewowo kom eis ke srihpac pruhe, kuh akacsrui ke ma suhmuhslah ke pruhe.

MWET FUHSR

Pruhe Luhk ke Luhlalfongi

Sel Priscilla Farias de Lima

Ke nga yac 18 ah, nga orekma ke sie stoh in kuhka koanon lohm in oacna sie mwet in kuhka. Pacl in orekma luhk uh arulacna upac. Nga muhtwacwacack ke ao 8:00 ke lututacng nuh ke ao 10:00 ke ekuh, Mante nwe ke Sactte. Nga ahsor ke srihpac nga tiac kuh in wi institute ac mukwikwi luhn Alu uh.

Nga muhtwacwacack in pruhe nuh sin Pahpah Lucng ke luhlahlfongi kuh in siyuck Sel in kahsrweyuc in kowacack orekma se ma nga tiac enenuh in orekma ke Sactte nga in muh kuh in som wi institut ac mukwikwi sahyac uh.

Sie lwen ah ke orekma ah nga kahsrub mukul se. Kuht muhtwacwacack sramsram, ac el fahk lah el orekma ke pacng luhlahp se. Nga siyuck lah ngwac kuh in srihke fuhkah nuh ke orekma ikacklah ke pisis se inge. El use inel ac nacmpuh in taclofon lal ah ac fahk nuh sihk lah nga kuh in pahgon mwet se ma e sang orekma ah ac fahk lah nga etwac. Nga som nuh ke pacng sac ac oruh sikeng enenweyuck se. Nga orwacalah wo ac muhtwacwacack orekma ke lusen ao ohnkoahr ke lwen se ke Mante nwe ke Fuhrwacte, ac molihk pacl tolu yohk liki nga eis met ah.

Nga etuh lah Leum el kol kuht ke kuht kena oruh ma Lal emet uh. El srackna kol yuc mihsenge. Nga etuh ip yohk luhn pruhe uh pwacye.



Luhlahlfongi, Sucu, Kahsruh

Mwet Topang luhn Lohm

Lutlutkihn kuhfa se inge ac, fin fal, sramsramkihn nuh sin tahmtahel kom muhtwacta yohroh an. Orekmakihn kihsen siyuck uh in kahsrwe kom ahkkweye tahmtahel wiyom an ac in oruh U luhn Muhtwacn in Kahsruh uh in ip utuftuf se ke moul lom sifacna an.

“**K**om pa mwet topang luhn lohman,” Prestuhn Gordon B. Hinckley el fahk (1910–2008) ke el ahkkahlwemye “Sucu: Sie Mwe Fahkwack nuh fin Facluh” ke toeni luhlahp luhn U luhn Muhtwacn in Kahsruh 1995. “Kowos pa pahpah ac ninac kiyacn tuhlihk an. Kowos pa elos suc tuhfhlos ac akiyac nuh selos yen in muhta luhn moul lalos. Wacngihn orekma sahyac apkuhran nuh lucng oacna ke tuhfweyacn tuhlihk mukul ac muhtwacn nuhtin God.”¹

Apkuhran in yac 17 nuh mihse- nge mwe fahkwack se inge kalyei lah kunohkohn yohk srihpac emet lasr uh pa inmahsrlo in ahkkweye sucu ac lohman—ac tiac wiwina mukwikwi lasr ingena. Barbara Thompson, ingena mwet in kahsruh ahkluo ke prestuhnsi luhlahp ke U luhn Muhtwacn in Kahsruh, tuh oasr ke Tabernacle Salt Lake ah ke pacl se emet Prestuhn Hinckley el riti mwe fahkwack se ah. “Pacl na wowo se,” el esam. “Nga puhla yohk srihpaciyen pweng sac. Nga oacyacpac puhlakuhnwack lah nga nuhnuhkuh ke ma inge, ‘Mwe kolyuck na wowo se pa inge nuh sin pahpah ac ninac an. Kunohkohn pacna yohk se nuh sin pahpah ac ninac an.’ Nga motko ke kihtin pacl lah e tiac ma

nuh sihk ke nga tiac pahyuck ac wacngihn tuhlihk nuhtihk. Tuhsruh apkuhran ke nga sa na nuhnuhkuh, “Tuhsruhktuh ma pac nuh sihk. Nga mumpuhr se ke sie sucu. Nga tuhlihk muhtwacn se, tahmtahel se, ninac wiyacn ninac se, wiyacn tuhlihk nuhtin pahpah ninac kiyuck, tuhlihk muhtwacn nuhtin wiyacn pahpah kuh ninac, ac tuhlihk muhtwacn nuhtin pahpah ninac mahtuh se. Oasr kunohkohn luhk—ac mwe in- sewowo—ke srihpen nga mumpuhr se ke sie sucu. Finne nga muhkwenan pa moul ke sucu luhk uh, nga srackna mwet se ke sucu luhn God, ac oasr kunohkohn luhk in kahsruh ahkkweye sucu sahyac uh.”

Wo ohiyac, kuht tiac muhkuh ke mukwikwi lasr uh. “Mwe kahsruh yohk emet,” Tahmtahel Thompson el fahk, “e oasr yohrohrs ke ahkkweyeyacn sucu pa in etuh ac ukwe mwe luti luhn Kraist ac luhlahlfongwel in kahsrwe kuht.”²

Ke Ma Mahtuh Lasr

“Ke Tahmtahel Bathsheba W. Smith el kuhlwaconsap in oruh prestuhn luhlahp ke U luhn Muhtwacn in Kahsruh [ke 1901 nuh ke 1910], el liye enenuh se in ahkkweye sucu uh, na el akiac lesin in lutlut luhn ninac ke tahmtahel ke

U luhn Muhtwacn in Kahsruh uh. Lesin uh pa kahs in kahsruh ke pahyuck, karihngihnyuck met liki isus, ac tuhfweyuck tuhlihk. Lesin inge tahpuhk mwe luti lal Prestuhn Joseph F. Smith ma U luhn Muhtwacn in Kahsruh uh in kahsruh muhtwacn uh ke kunohkohn lalos in lohman selos:

“‘Acn nuh kwewa ma oasr pihlesruh kuh srihklac etuh ke ma luhn sucu, ma kunacn sucu, ke orekma ma e kuh in oasr ac ma orek na pwacye inmahsrlo mukul ac muhtwacn pahyuck ac inmahsrlo pahpah ninac ac tuhlihk uh, oasr oruh se inge kuh apkuhran in sikyak, ac ke mwe sang muhtahl ac kahlwem ma oasr luhn us se sacn pa ahkoeyucklac ac ahkolah in sang ahkuhtweyac wi ma in kahlwem ke orekma yohk srihpac ingacn.’”³

MWE KAHSRUH

1. Gordon B. Hinckley, “Stand Strong against the Wiles of the World,” *Ensign*, Nohfohmpuh 1995, 101.
2. Barbara Thompson, “I Will Strengthen Thee; I Will Help Thee,” *Liahona ac Ensign*, Nohfohmpuh 2007, 117.
3. *Daughters in My Kingdom: The History and Work of Relief Society* (2011), 153.

Ke Ma Suhmuhsлах uh

Proverbs 22:6; 1 Nephi 1:1; 2 Nephi 25:26; Alma 56:46–48; Doctrine and Covenants 93:40

Meac Nga Kuh in Oruh uh?

1. Nga kuh in kahsrüh tahmtahel nga karihgihn uh fuhkah in ahkkweye sucu uh?

2. Nga kuh in oruh ohiyac su-wohswohs nuh sin sucu luhk uh fuhkah?

Nuh ke kughtuh pac mwe etuh, som nuh ke www.reliefsociety.lds.org.